

DITSWA-KOTLENG YA NATIONAL MUSEUM LE MAETO A THUTO:

E.J. Mohatlane



Setjhaba sa heso

Ntumelleng nke ke thelle,
Ke tlale ke etse menyakwe;
Ke etse metlaefethe yabo nkgono.
ere ke phethoha ke eja sekwele,
Ke kgutle ke le tshwaretse mpshane,
Kgaba ya bonkgono Mmankadimeng.

Hoba ke yona kgaba eo ke tlang ho e sebedisa ho tshola masutsa ana a tswang kotleng ya National Museum e tletseng dimenye-menye ka nako tsohle. Tsebang ke hona he hore kgatisong e nngwe le e nngwe ya lehlasedi lena la National Museum, ho tloha jwale, le tla etsetswa tlhakisetso ka dipontsho le ditaba tse amanang le National Museum ka puo ya leleme la Sesotho mme ke yona mpshane eo ke le fepang ka yona ka letsatsi la kajeno. Le hoja ke tshwere masutsa, ha ke na le fepa sa mpana-phantloha empa ke tla etsa molakatswane feela mme ka mohlomong nka le phomosetsa haholwanyane kgatisong e latelang:

Tsebo ke letlotlo le sa boleng mme ke letlotlo leo motho a ikgantshang ka lona ka ditshiu tsohle tsa bophelo ba hae mme ke ka lebaka lena ho nang le dibaka tsa polokelo ya tsebo mme re bua re tadimme tsebo ya disebediswa le diketsahalo tsa kgale-kgale, nakong tsane tsa bao re seng re ba bitsa maloko a ileng kajeno. Ke sebaka se kang Museum moo re fumanang tsebo e jwalo e bolokilwe teng e le hore batjha ekasitana le bana le setjhaba ka kakaretso ba tsebe ka letlotlo lena le ka nnana la nyamela nya!

National Museum kwano Mangaung o kgabile ka tse ngata tse hapang mahlo a baeti ekasitana le bana ba dikolo ka ho fapana ha bona. O arotswe ka mafapha a fapa-fapaneng a dipontsho mme ke tla etsa molakatswane feela ka tse ding tsa dipontsho e le hore wena o tle o tlo inwesa ka nkgo kapa o bale lehlasedi le tla hlhlama lena.

Dipontsho tsa diphoofolo

Ha o betsa mahlo, diala, majwana-mabedi, mabetsa-hole, lefapheng lena la dipontsho, o se o teana le tlou, ngwana-kgotso. Na o ne o tseba hore hara diantshi tse phelang ka ntle ho metsi, ke bolela tse sa pheleng metsing, hore tlou ke seantshi sa pele se sehlo? Na o ne o tseba hore e ka phela nako e kae bophelong ba yona? Etela National Museum mme o tlo inwesa ka nkgo le ho ikgapela tsebo. Diphoofolo di bontshwa mona ka mekga ya tsona. O tla thabela ho tseba ka diphoofolo tsa naha ya rona ya Afrika-Borwa ekasitana le tsa mose ho mawatle. Wena ngwana wa sekolo o tla kgona ho utlwisisa hantle le ho ba le tsebo e tebileng ka ho bona ka pono ya mahlo tseo mesuwe le mesuwetsana e neng eo o ruta tsona phaposeng ya borutelo.

Dipontsho tsa botjhaba le meetlo:

O tla kgahlwa mme o tla hopola setso sa rona Basotho ka ho bona matlo a ahilweng Sesotho. O tla kgahlwa ho mmona monna wa Mosotho a suntse molomo ka kobong mme a lekantse molamu le tsebe pela ntle ya hae. Na o sa tseba lelwala? Seotlwana sona o a se tseba? Thebe ya Basotho e ne e le jwang? Tseo ke dipotso tseo National Museum e di arabang ka ho qaqa.

Ako fetole mawa o tadime ka mona ka dipontshong tsa Mazulu mme o bone o tle o kgahlwe. Ekaba ditjhaba kapa matswallwa a naha ya Kolone-Leboya ke afe? Barwa sethatho sa bona ke sefe? Ako tjhakele kwano National

Museum o tlo bona hle.

Maeto a thuto a dikolo tsa ba batsho:

Ho tloha mathwasong a kgwedi ho fihla pheletsong ya yona o ke o iteke o tlo bona kamoo dikolo di etsang semphete-ke-o-fete ha di etela dipontshong kwano. Ha o ka leka ho di bala o ka roka tata-la-raudu-udu mme o keke wa qeta. Leha ho le jwalo le sa hao sekolo se na le monyetla wa ho etela kwano haese feela ha o ka ngola lengolo la tsebiso ya leeto diveke tse tharo pele ho letsatsi la leeto mme re tla o potlakela ka tse monate. Lebisa kopo ya sekolo sa hao ho:

Mohlophisi wa Maeto a Thuto

National Museum

P.O. Box 266

BLOEMFONTEIN

9300

Ha o tea fono-fono a ka leka 051-479609 mme o fetisetswe ho 21. Menyako e dula e butswa ka matsatsi oohle ho tloha Mantaha ho isa Sontaha le hoja ka Sontaha re bula ka 14h00 ho isa ka 17h00 athe ka matsatsi a mang ke ho tloha 8h00 ho isa 17h00. Manyane kapa tefo ya ho kena hase e kae hoba ke 50c feela bakeng sa ngwana mme re kope feela R1,00 bakeng sa motho e moholo. O seke wa lahleha hoba re mona mateanong a mmila wa Charles le wa Aliwal. Dula o fadimehile kamehla mme o seke wa fetwa ke DITSWA-KOTLENG YA NATIONAL MUSEUM, MANGAUNG.



This article gives a short synopsis of some recent developments at the National Museum as well as the procedure to be followed when planning and booking educational tours and the fees payable at the National Museum.

In future editions of Museum News further aspects of the National Museum will be discussed in Sotho.

NASIONALE MUSEUM SOSIALE HOKKIE



Vanjaar is die tweede jaar wat die Museum aan sosiale deelneem, (met die doel om alles meer georganiseerde te laat verloop), is daar gedurende die jaar 'n hokkieklub gestig wat tans uit 17 spelende lede bestaan. In Bloemfontein is daar 17 spanne wat aan sosiale hokkie deelneem. Die wedstryd statistieke van die Museum dié jaar is: 20 gespeel; 7 gewen; 9 verloor; 4 gelykop. Op Saterdag 29 Augustus 1987 is die jaarlikse hokkietoernooi gehou waaraan 16 spanne deelgeneem het. Voor die aanvang daarvan is 'n gesellige sjampanje-ontbyt genuttig om die gees van die spelers reg te kry. Tydens die toernooi het die Museum 4 wedstryde gespeel en ten spyte van wind, stof en koue het hulle 3 daarvan gewen en 1 verloor. Daarmee het hulle saam met Santambank tweede in die B-afdeling geëindig.